



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ք. Երևան

16.10.2020թ.

Ո Ր Ո Շ ՈՒ Մ
ՀՀ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ
ՔՆՆՈՂ ԱՆՁԻ
թիվ ԱՑ-ԼՕ-2020/211

Նախագահությամբ՝ ՀՀ գնումների հետ կապված բողոքներ քննող անձ Լ. Օհանյանի
Քարտուղարությամբ՝ Լ.Անանիկյանի

Պատվիրատու՝ ՀՀ կրթության, գիտության, մշակույթի և սպորտի նախարարություն
Մասնակից՝ «Ինժեներինգ» ՍՊԸ

Գնման ընթացակարգի ծածկագիրը և առարկան՝

«ՀՀԿԳՄՍՆԳՀԾՁԲ-20/165» ծածկագրով գնանշման հարցման ընթացակարգ,
Լոռեցի Սաքո քանդակի վերականգնման, տեղափոխման և տարածքի բարեկարգման
աշխատանքների տեխնիկական հսկողության ծառայությունների ձեռքբերում

ՀՀ գնումների հետ կապված բողոքներ քննող անձը (այսուհետ՝ նաև Բողոքներ
քննող անձ)՝ ուսումնասիրելով Հայաստանի Հանրապետության ֆինանսների
նախարարության կողմից 16.09.2020թ.-ի թիվ 26/26-1/14000-2020 գրությամբ
«Ինժեներինգ» ՍՊԸ-ին (այսուհետ՝ նաև Մասնակից) գնումների գործընթացին
մասնակցելու իրավունք չունեցող մասնակիցների ցուցակում ներառելու նպատակով
նախաձեռնված ընթացակարգով ներկայացված հիմքերը,

Պ Ա Ր Զ Ե Ց

1. Գործի նախապատմությունը

ՀՀ ֆինանսների նախարարությունը, ՀՀ կրթության, գիտության, մշակույթի և սպորտի նախարարության (այսուհետ՝ Պատվիրատու) 11.09.2020թ.-ի թիվ 08.1//24389-2020 գրության հիման վրա, 16.09.2020թ.-ին «Ինժեներինգ» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնել է ընթացակարգ՝ Բողոքներ քննող անձին ներկայացնելով համապատասխան հիմքերը:

Բողոքներ քննող անձին գործը մակագրվել է 16.09.2020թ.-ին

Բողոքներ քննող անձի 17.09.2020թ.-ին www.gnumner.am կայքում հրապարակված հայտարարությամբ գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնված ընթացակարգը ընդունվել է վարույթ և տրվել թիվ ՍՑ-ԼՕ-2020/211 համարի ծածկագիրը:

25.09.2020թ.-ին և 16.10.2020թ.-ին նշանակվել են նիստեր:

Գործի քննությունն ավարտվել է 25.09.2020թ.-ին և Բողոքներ քննող անձի որոշման հրապարակման օր է նշանակվել 16.10.2020թ.-ին:

2. ՀՀ կրթության, գիտության, մշակույթի և սպորտի նախարարություն-ի ներկայացրած փաստերը և դիրքորոշումը.

ՀՀ կրթության, գիտության, մշակույթի և սպորտի նախարարություն-ի 11.09.2020թ.-ի թիվ 08.1//24389-2020 գրությամբ դիմել է ՀՀ ֆինանսների նախարարությանը՝ հայտնելով հետևյալը.

«Նախարարության կողմից 2020 թվականի օգոստոսի 26-ին գնանշման հարցման ընթացակարգով «ՀՀԿԳՄՍՆԳՀԾՁԲ-20/165» ծածկագրով կազմակերպված տեխնիկական հսկողության ծառայությունների ձեռքբերման գնման գործընթացին հայտ է ներկայացրել «ԻՆՇԵՆԵՐԻՆԳ» ՍՊԸ-ն: Հաշվի առնելով, որ մասնակցի կողմից ներկայացված փաստաթղթերը կազմված չեն հրավերի պահանջներին համապատասխան՝ գնումների մասին ՀՀ օրենսդրությամբ սահմանված կարգով գնահատման գործընթացը կասեցվել է և 2020 թվականի սեպտեմբերի 3-ին առաջարկվել է «ԻՆՇԵՆԵՐԻՆԳ» ՍՊԸ-ին մեկ աշխատանքային օրվա ընթացքում շտկել արձանագրված անհամապատասխանությունները, սակայն դրանք սահմանված ժամկետում չեն շտկվել և վերջինիս հայտը մերժվել է:

Ելնելով վերոգրյալից, կից ներկայացնում եմ «ԻՆՏԵՆՆԵՐԻՆԳ» ՍՊԸ-ի վերաբերյալ փյալները, վերջինիս հայտը, <https://armeps.am/> համակարգի միջոցով ուղարկված շտկման մասին ծանուցումը, գնահատող հանձնաժողովի քարտուղարի էլեկտրոնային փոստից ուղարկված շտկման մասին ծանուցումը, գնահատող հանձնաժողովի նիստի արձանագրությունը և ձեռք բերվող գնման առարկաների մասով հաստատված գնումների պլանը, դրա տեղեկագրում (procurement.am) հրապարակված լինելը հավաստող՝ կայքից արտատրված փաստաթուղթը՝ գնումների ընթացակարգերին մասնակցելու իրավունք չունեցող մասնակիցների ցուցակում ներառելու նպատակով:»:

Պատվիրատուն, ի պատասխան Բողոքներ քննող անձի 05.10.2020թ.-ի թիվ ԲՔԱ-ԼՕ/1/15094-2020 գրության, 09.10.2020թ.-ին թիվ 08.1//26995-2020 գրությամբ հայտնել է հետևյալը.

«Սկորև ներկայացնում եմ ՀՀ կրթության, գիտության, մշակույթի և սպորտի նախարարության դիրքորոշումը «ԻՆՏԵՆՆԵՐԻՆԳ» ՍՊԸ-ի առարկությունների վերաբերյալ.

«ԻՆՏԵՆՆԵՐԻՆԳ» ՍՊԸ-ի պնդումը, որ նախարարության կողմից «ՀՀԿԳՄՍՆԳՀԾՁԲ-20/165» ծածկագրով ընթացակարգը հայտարարվել է առանց իրավական հիմքի՝ չի համապատասխանում իրականությանը, քանի որ առկա է «Հայաստանի Հանրապետության 2020 թվականի պետական բյուջեում վերաբաշխում, Հայաստանի Հանրապետության կառավարության 2019 թվականի դեկտեմբերի 26-ի N 1919-Ն որոշման մեջ փոփոխություններ ու լրացումներ կատարելու մասին» N 834-Ն որոշումը (ընդունված՝ 21.05.2020թ, ուժի մեջ մտնելու օրը՝ 04.06.2020թ) և նախարարության կողմից հրապարակված գնումների պլանում կատարված փոփոխությունը: Ընդ որում, նախարարության կողմից տեղեկագրում հրապարակված գնումների պլանում կատարված փոփոխությունը էլեկտրոնային ձևով գնումների կատարման PPCM համակարգում (հանդիսանում է բաց հրապարակային տեղեկատվական հարթակ և հասանելի է հանրությանը) հաստատված է նախարարության պատվիրատուի ղեկավարի կողմից, ինչպես նաև ՀՀ ֆինանսների նախարարության կողմից և, հաշվի առնելով, որ նախարարության գնման գործընթացները կազմակերպվում են էլեկտրոնային ձևով՝ PPCM և ARMEPS համակարգերով, իրավական հիմքերի բացակայության դեպքում գնման գործընթացը հնարավոր չէր լինի իրականացնել:

Ինչ վերաբերում է ՀՀ կառավարության 13.04.2017թ N 390-Ն որոշման 3-րդ հավելվածով հաստատված «Գնումների պլանի լրացման, հաստատման և հրապարակման կարգ»-ին, ապա վերջինիս 3-րդ բաժնի 4-րդ կետով սահմանված է, որ Պատվիրատուի ղեկավարի կողմից գնումների պլանը հաստատվում է մինչև փյալ տարվա փետրվարի 1-ը՝

բացառությամբ նույն կարգի 5-րդ կետի, ըստ որի ՀՀ պետական բյուջեի միջոցների հաշվին կատարվելիք գնումների պլանը հաստատվում է յուրաքանչյուր տարվա ՀՀ պետական բյուջեի կատարումն ապահովող միջոցառումները հաստատելու մասին ՀՀ կառավարության որոշմամբ, ինչպես և դրանում կատարվող փոփոխությունները:

Միաժամանակ նշեմ նաև, որ մասնակիցը մինչև գնման գործընթացին հայտ ներկայացնելը իրավունք ուներ պահանջելու պարզաբանում, բողոքարկելու պատվիրատուի և գնահատող հանձնաժողովի գործողությունները (անգործությունը), ի վերջո՝ չմասնակցելու «առանց իրավական հիմքի» հայտարարված գնման գործընթացին, որը հայտարարվեց չկայացած իր իսկ անգործության պատճառով (գնումների մասին ՀՀ օրենսդրությամբ սահմանված ժամկետում չներկայացվեցին հրավերով նախատեսված փաստաթղթերը): Այսինքն, ստացվում է, որ «ԻՆՏԵՆՆԵՐԻՆԳ» ՍՊԸ-ն, հայտերը բացելուց և վերջինիս համար անցանկալի արդյունքների արձանագրումից հետո, հրաժարվել է գնման գործընթացին հետագա մասնակցությունից և, խախտելով գնման գործընթացի շրջանակում ստանձնած պարտավորությունը, որը հանգեցրել է գնման գործընթացին տվյալ մասնակցի հետագա մասնակցության դադարեցմանը, ի հայտ է բերել գնման գործընթացը «առանց իրավական հիմքի» կազմակերպելու մասին իրականությանը չհամապատասխանող տեղեկատվությունը:»:

3. «Ինտեներինգ» ՍՊԸ-ի ներկայացրած փաստարկները և դիրքորոշումը.

Բողոքներ քննող անձը 17.09.2020թ.-ի գրությամբ դիմել է «Ինտեներինգ» ՍՊԸ-ին՝ հնարավորություն տալով ՀՀ ֆինանսների նախարարության կողմից 16.09.2020թ.-ի թիվ 26/26-1/14000-2020 գրությամբ նախաձեռնված ընթացակարգի վերաբերյալ ներկայացնել գրավոր կարծիք:

Մասնակիցը 25.09.2020թ.-ին ներկայացված դիրքորոշմամբ հայտնել է հետևյալը.

«1.1. ՀՀ կրթության, գիտության, մշակույթի և սպորտի նախարարությունը (այսուհետ՝ Պատվիրատու) 26.08.2020 թվականին հրապարակել է ««ԿԳՄՍՆԳ<ԾՁԲ-20/165» ծածկագրով (այսուհետ նաև Ընթացակարգ), գնանշման հարցման հայտարարություն՝ իր կարիքների համար Լոռեյի Սաքո քանդակի վերականգնման տեղափոխման և տարածքի բարեկարգման աշխատանքների տեխնիկական հսկողության ծառայությունների ձեռքբերման նպատակով:

1.2. Պատվիրատուի կողմից իր կարիքների համար Լոռեյի Սաքո քանդակի վերականգնման տեղափոխման և տարածքի բարեկարգման աշխատանքների

տեխնիկական հսկողության ծառայությունների ձեռքբերման վերաբերյալ գնումների պլանում փոփոխություն կատարելու ծանուցումը հրապարակվել է 03.07.2020 թվականին: Իսկ գնումների պլանի փոփոխված ամբողջական տարբերակը չի հրապարակվել:

ՀՀ ֆինանսների նախարարության կողմից նախաձեռնվել է «ԻՆՏԵՆՆԵՐՆԳ» ՍՊ ընկերությանը գնումների գործընթացին մասնակցելու իրավունք չունեցող մասնակիցների ցուցակում ներառելու ընթացակարգ:

Գնումների մասին ՀՀ օրենքի 2-րդ հոդվածի 1-ին մասի 14-րդ ենթակետի համաձայն՝ տեղեկագիրը՝ սույն օրենքով նախատեսված հրատարակման ենթակա տեղեկատվության հրատարակման նպատակով www.procurement.am հասցեով գործող ինտերնետային կայքն է:

Նույն օրենքի 6-րդ հոդվածի 1-ին մասի 6-րդ կետի համաձայն՝ բացառությամբ սույն օրենքի 23-րդ հոդվածի 1-ին մասի 1-ին, 3-րդ, 4-րդ և 5-րդ կետերով նախատեսված ընթացակարգով գնում կատարելու դեպքերի, գնումների ընթացակարգերին մասնակցելու իրավունք չունեն այն անձինք, որոնք հայտը ներկայացնելու օրվա դրությամբ ներառված են գնումների գործընթացին մասնակցելու իրավունք չունեցող մասնակիցների ցուցակում: Մասնակիցն ընդգրկվում է նշված ցուցակում, եթե՝

ա. խախտել է պայմանագրով նախատեսված կամ գնման գործընթացի շրջանակում ստանձնած պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը,

բ. որպես ընտրված մասնակից հրաժարվել է պայմանագիր կնքելուց, գ. հայտերը բացելուց հետո հրաժարվել է գնման գործընթացին հետագա մասնակցությունից:

Նույն օրենքի 15-րդ հոդվածի 3-րդ մասի համաձայն՝ գնումների պլանը, ներառյալ՝ փոփոխությունները, հաստատվելուն հաջորդող երկու աշխատանքային օրվա ընթացքում պատվիրատուն հրապարակում է տեղեկագրում, բացառությամբ պետական գաղտնիք պարունակող գնումների պլանի:

ՀՀ կառավարության 04.05.2017 թվականի թիվ 526-Ն որոշմամբ հաստատված գնումների գործընթացի կազմակերպման կարգի (այսուհետ՝ Կարգ) 16-րդ կետի համաձայն՝ գնման գործընթաց սկսելու համար գնման առարկան պետք է ներառված լինի գնումների պլանում: Գնման պահանջի ծագման օրը պետական գաղտնիք չպարունակող գնումների դեպքում հաստատված կամ փոփոխված գնումների պլանի հրապարակման օրն է, իսկ պետական գաղտնիք պարունակող գնումների դեպքում՝ գնումների պլանի հաստատման կամ փոփոխման օրն է: Եթե տվյալ տարվա ընթացքում գնումների սկզբնական պլանում

չներառված, լրացուցիչ գնումը կատարելու համար նախատեսվում են ֆինանսական միջոցներ, ապա գնումների պլանում կատարվում է լրացում:

Կարգի 17-րդ կետի համաձայն՝ գնման գործընթացի կազմակերպման իրավական հիմքը սահմանված պահանջներին համապատասխան հաստատված, իսկ Գնումների մասին Հայաստանի Հանրապետության օրենսդրությամբ նախատեսված դեպքերում՝ նաև հրապարակված, գնումների պլանի առկայությունն է:

Կարգի 20-րդ կետի համաձայն՝ գնման գործընթացի ընթացակարգի կազմակերպման նպատակով գնման պահանջի ծագման օրվան հաջորդող հինգ աշխատանքային օրվա ընթացքում գրավոր սահմանվում են՝

- 1) պատասխանատու ստորաբաժանում, և
- 2) գնումները համակարգող
- 3) գնման գործընթացների կազմակերպման ժամանակացույց: (...):

Կարգի 45-րդ կետի համաձայն՝ օրենքի 6-րդ հոդվածի 1-ին մասի 6-րդ կետով նախատեսված հիմքերն ի հայտ գալու օրվան հաջորդող հինգ աշխատանքային օրվա ընթացքում պարզվիրատուն փոխադրված մասնակցի փոխադրված՝ համապատասխան հիմքերով, գրավոր ուղարկում է լիազորված մարմին, որը դրանք ստանալուն հաջորդող 5 աշխատանքային օրվա ընթացքում նախաձեռնում է փոխադրված մասնակցին գնումների գործընթացին մասնակցելու իրավունք չունեցող մասնակիցների ցուցակում ներառելու ընթացակարգ:

ՀՀ կառավարության 13.04.2017 թվականի թիվ 390-Ն որոշման հավելված 3-ով հաստատված գնումների պլանի լրացման, հաստատման և հրապարակման կարգի 9-րդ կետի համաձայն՝ Գնումների պլանը, ներառյալ դրանում կատարված փոփոխությունները և լրացումները, հաստատվելուն հաջորդող երկու աշխատանքային օրվա ընթացքում պարզվիրատուն սահմանված կարգով հրապարակում է տեղեկագրում: Ընդ որում, գնումների պլանում կատարված փոփոխությունները և լրացումները տեղեկագրում հրապարակվում են գնումների պլանի ամբողջական տեսքով:

Նշված իրավական նորմերի վերլուծությունից պետք է արձանագրել հետևյալը, որ գնման գործընթացի իրավական հիմքը Պարզվիրատուի կողմից հաստատված և հաստատվելուն հաջորդող երկու աշխատանքային օրվա ընթացքում տեղեկագրում՝ www.procurement.am հասցեով գործող ինտերնետային կայքում հրապարակված գնումների պլանն է, որը կարող է հիմք հանդիսանալ գնման գործընթաց սկսելու, պատասխանատու ստորաբաժանում, գնումների համակարգող և հանձնաժողով ձևավորելու համար: Ի դեպ պետք է փաստել նաև, որ գնումների պլանում փոփոխություն կատարելուց հետո այն պետք

է հրապարակվի ամբողջական տեսքում, որի արդյունքում նոր միայն հնարավոր կլինի փաստել գնման գործընթացի կազմակերպման իրավական հիմքի առկայությունը: Այլ կերպ ասած, եթե օրենսդրական կարգի պահպանմամբ հրապարակված չէ գնումների պլանը, ապա առկա չէ իրավական հիմքը և Ընթացակարգը կազմակերպվել է վերը նշված իրավակարգավորումների խախտմամբ և ոչ իրավաչափ է: Ոչ իրավաչափ ընթացակարգի շրջանակում չի կարող խոսք լինել մասնակցի կողմից պարտավորությունների ստանձնման մասին և չի կարող առաջացնել պատասխանատվության հիմքեր:

Նշվածը իր հերթին համադրելով սույն գործի փաստերի հետ պետք է արձանագրել հետևյալը, Պատվիրատուն թեպետև գնումների պլանում փոփոխություն կատարել է և 03.07.2020 թվականին, սակայն այն տեղեկագրում հրապարակել է փոփոխության ծանուցման տեսքով և չի պահպանել ՀՀ կառավարության 13.04.2017 թվականի թիվ 390-Ն որոշման հավելված 3-ով հաստատված գնումների պլանի լրացման, հաստատման և հրապարակման կարգի 9-րդ կետի պահանջները, այսինքն գնումների պլանում կատարված փոփոխություններ կատարելուց հետո այն չի հրապարակել ամբողջական տեսքով: Եվ արդյունքում սույն գնման ընթացակարգի կազմակերպման վերաբերյալ հայտարարությունը հրապարակվելու դրությամբ առկա չէ գնումների պլանի ամբողջական տարբերակի հրապարակում, որի մեջ ներառված է սույն ընթացակարգի շրջանակում ձեռք բերվող ծառայությունը, որը ենթադրում է, որ սույն գնման ընթացակարգը կազմակերպվել է առանց իրավական հիմքի, ոչ իրավաչափ գործողությունների արդյունքում, Պատվիրատուի կողմից խախտելով առկա օրենսդրական կարգը: Ուստի Ընթացակարգի շրջանակում առկա չէ «ԻՆՃԵՆԵՐԻՆԳ» ՍՊ ընկերության կողմից պարտավորության ստանձման հիմքեր և դրանց ենթադրյալ խախտման հիմքով էլ առկա չեն պատասխանատվության հիմքեր:

Ուստի առաջնորդվելով վերոգրյալով Խնդրում եմ մերժել ՀՀ ֆինանսների նախարարության կողմից նախաձեռնված «ԻՆՃԵՆԵՐԻՆԳ» ՍՊ ընկերությանը գնումների գործընթացին մասնակցելու իրավունք չունեցող մասնակիցների ցուցակում ներառելու ընթացակարգը:»:

4. ՍՑ-ԼՕ-2020/211 ընթացակարգի քննության համար էական նշանակություն ունեցող փաստերը.

Սույն գործի քննության համար էական նշանակություն ունեցող փաստերի համաձայն՝

i. ՀՀ կրթության, գիտության, մշակույթի և սպորտի նախարարության (այսուհետ նաև՝ Պատվիրատու) կողմից Լոռեցի Սաքո քանդակի վերականգնման, տեղափոխման և տարածքի բարեկարգման աշխատանքների տեխնիկական հսկողության ծառայությունների ձեռքբերման նպատակով 26.08.2020թ.-ին հայտարարվել է «ՀՀԿԳՄՍՆԳՀԾՁԲ-20/165» ծածկագրով գնանշման հարցման ընթացակարգ (այսուհետ նաև՝ Մրցույթ կամ Ընթացակարգ):

ii. Ընթացակարգի հրավերի թիվ 1 հավելվածով սահմանված տեխնիկական բնութագիր-գնման ժամանակացույցի համաձայն՝ վերոնշյալ աշխատանքի կատարման համար որպես գնումների պլանով նախատեսված միջանցիկ ծածկագիր՝ ԳՄԱ դասակարգման (CPV) կոդ նշվել է 71351540/79:

iii. www.armeps.am/PPCM/ կայքում առկա ՀՀ կրթության, գիտության, մշակույթի և սպորտի նախարարության 02.07.2020թ.-ին կատարված 2020 թվականի գնումների պլանի փոփոխության համաձայն՝ գնման առարկայի համար որպես ԳՄԱ դասակարգման (CPV) կոդ նշվել է 71351540/79, քանակը՝ 1, գնման ընթացակարգի տեսակ՝ ԳՀ, գումարը՝ 240 803 ՀՀ դրամ:

iv. www.gnumner.am կայքում 03.07.2020թ.-ի հրապարակված գնումների պլանի համաձայն՝ ՀՀ կրթության, գիտության, մշակույթի և սպորտի նախարարության կողմից հրապարակված 2020 թվականի գնումների պլանում փոփոխություններ և/կամ լրացումների կատարելու մասին ծանուցման համաձայն՝ որպես պատվիրատու նշված է ՀՀ կրթության, գիտության, մշակույթի և սպորտի նախարարությունը, ծրագրի անվանումը՝ «1075 Մշակութային ժառանգության ծրագիր» և «21003 Քանդակների պատրաստման և տեղադրման աշխատանքներ»՝ նշելով նաև ծրագրի դասման բյուջետային ծախսերի գործառական դասակարգման բաժինը, խումբը և դասը:

Նույն ծանուցման 1-ին տողով որպես ԳՄԱ դասակարգման (CPV) կոդ նշվել է 71351540/79, քանակը՝ 1, գնման ընթացակարգի տեսակ՝ ԳՀ, գումարը՝ 240 803 ՀՀ դրամ:

v. Ընթացակարգին մասնակցելու նպատակով հայտ է ներկայացրել նաև «Ինժեներինգ» ՍՊԸ-ն:

vi. Մասնակիցը թիվ 1 հավելվածով՝ գնման ընթացակարգին մասնակցելու դիմում-հայտարարությամբ, հայտարարել և հավաստել է, որ բավարարում է «ՀՀԿԳՄՍՆԳՀԾՁԲ-20/165» ծածկագրով գնանշման հարցման հրավերով սահմանված մասնակցության իրավունքի պահանջներին և հրավերի պահանջներին համապատասխան ներկայացնում է հայտ՝ կից ներկայացնելով նախկինում կատարված նմանատիպ պայմանագիրը և կնքվելիք պայմանագրի կատարման համար առաջարկվող

աշխատակազմի մասին տեղեկանքը՝ համաձայն հրավերի 1-ին մասի 2.4 կետի (Հավելված թիվ 1.1):

vii. Ընթացակարգի գնահատող հանձնաժողովի (այսուհետ նաև՝ Հանձնաժողով) 02.09.2020թ.-ի նիստի թիվ 2-րդ արձանագրության 7.2-րդ կետի համաձայն՝ «Ինժեներինգ» ՍՊԸ-ի կողմից ներկայացված փաստաթղթերը չեն համապատասխանում հրավերով սահմանված պահանջներին, մասնավորապես՝ հայտում բացակայում է նախկինում կատարած նմանատիպ պայմանագրի (պայմանագրերի կամ համաձայնագրերի) պատճենները, իսկ այդ պայմանագրի (պայմանագրերի) պատշաճ կատարումը գնահատելու համար՝ տվյալ պայմանագրի կողմերի հաստատված պայմանագրի (պայմանագրերի կամ համաձայնագրերի) սահմանված ժամկետում կատարումը հավաստող ակտերի (հանձման-ընդունման արձանագրություն և այլն) պատճենները կամ տվյալ պայմանագրի կատարումն ընդունած կողմից գրավոր հավաստումը:

viii. Արձանագրության 8.1-րդ կետի համաձայն՝ Հանձնաժողովը, ղեկավարվելով ՀՀ կառավարության 04.05.2017թ.-ի թիվ 526-Ն որոշմամբ հաստատված «Գնումների գործընթացի կազմակերպման» կարգի 41-րդ կետով, որոշել է կասեցնել գնահատման գործընթացը և առաջարկել Մասնակցին մեկ աշխատանքային օրվա ընթացքում շտկել արձանագրված անհամապատասխանությունները:

ix. Հանձնաժողովի քարտուղարը armeps.am համակարգի միջոցով 03.09.2020թ.-ին Մասնակցի էլեկտրոնային փոստի հասցեին ուղարկել է անհամապատասխանությունների շտկման մասին ծանուցում:

x. Արձանագրության 9.1-րդ կետի համաձայն՝ «Ինժեներինգ» ՍՊԸ-ն սահմանված ժամկետում չի շտկել արձանագրված անհամապատասխանությունները:

xi. Արձանագրության 13.2-րդ կետի համաձայն՝ հիմք ընդունելով 9.1-րդ կետը՝ Հանձնաժողովը որոշել է «Ինժեներինգ» ՍՊԸ-ի հայտը գնահատել անբավարար և մերժել հրավերով սահմանված պահանջներին չհամապատասխանելու հիմքով:

5. Բողոքներ քննող անձի հիմնավորումները և եզրահանգումը.

Բողոքներ քննող անձը լրիվ, օբյեկտիվ և բազմակողմանի հետազոտելով և գնահատելով սույն գործում առկա ապացույցները, և համադրելով դրանք գործով պարզված փաստական հանգամանքների հետ, հանգում է այն եզրակացության, որ ՀՀ ֆինանսների նախարարության կողմից 16.09.2020թ.-ի թիվ 26/26-1/14000-2020 գրությամբ «Ինժեներինգ» ՍՊԸ-ին գնումների գործընթացին մասնակցելու իրավունք չունեցող

մասնակիցների ցուցակում ներառելու նպատակով նախաձեռնված ընթացակարգն ենթակա է բավարարման, հետևյալ պատճառաբանությամբ.

«Գնումների մասին» ՀՀ օրենքի (այսուհետ նաև՝ Օրենք) 30-րդ հոդվածի 1-ին մասի համաձայն՝ մասնակիցը հայտը ներկայացնում է հրավերով սահմանված կարգով: Հայտը ներառում է մասնակցի հաստատած՝

1) հրավերի պահանջներին իր տվյալների համապատասխանության մասին հայտարարությունը.

2) գնային առաջարկը.

3) ոչ գնային առաջարկը (տեխնիկական առաջարկ կամ տեխնիկական բնութագիր), եթե հրավերով նախատեսված է.

4) հրավերով նախատեսված այլ փաստաթղթեր (տեղեկություններ):

ՀՀ կառավարության 04.05.2017թ.-ի թիվ 526-Ն որոշմամբ հաստատված «Գնումների գործընթացի կազմակերպման» կարգի (այսուհետ նաև՝ Կարգ) 32-րդ կետի 3-րդ ենթակետի «բ» պարբերության համաձայն՝ հրավերով նախատեսվում է նաև, որ շինարարական ծրագրերի գնման դեպքում մասնակիցը ներկայացնում է նաև իր կողմից առաջարկվող՝ հրավերին կցված նախագծային փաստաթղթերով սահմանված տեխնիկական բնութագրերին համապատասխանող սարքերի և սարքավորումների տեխնիկական բնութագրերը, ապրանքային նշանները, ֆիրմային անվանումները, մակնիշները, արտադրողները և երաշխիքային ժամկետները: Ընտրված մասնակցի հետ կնքվող պայմանագրի նախագծում ներառվում են վերջինիս կողմից հայտով ներկայացված սարքերը և սարքավորումները:

Կարգի 40-րդ կետի 4-րդ ենթակետի համաձայն՝ հայտերի բացման և գնահատման նիստում հանձնաժողովը մերժում է այն հայտերը, որոնցում բացակայում է գնային առաջարկը, կամ եթե այն ներկայացված է հրավերի պահանջներին անհամապատասխան, բացառությամբ սույն կարգի 41-րդ կետով նախատեսված դեպքի: Գնումն էլեկտրոնային համակարգով իրականացվելու դեպքում հիմք է ընդունվում համակարգում կցված՝ մասնակցի կողմից հաստատված գնային առաջարկը:

Կարգի 41-րդ կետի համաձայն՝ եթե հայտերի բացման նիստի ընթացքում իրականացված գնահատման արդյունքում մասնակցի հայտում արձանագրվում են անհամապատասխանություններ՝ հրավերի պահանջների նկատմամբ ներառյալ այն դեպքերը, երբ հայտում ներառված՝ Հայաստանի Հանրապետության ռեզիդենտ հանդիսացող մասնակցի կողմից հաստատվող փաստաթղթերը կամ դրանց մի մասը ներկայացված են հաստատված բնօրինակ փաստաթղթից արտատպված (սկանավորված)

տարբերակով և հաստատված չեն էլեկտրոնային թվային ստորագրությամբ, բացառությամբ այն դեպքերի, երբ հայտում բացակայում է գնային առաջարկը կամ հայտի ապահովումը, կամ գնային առաջարկը, կամ հայտի ապահովումը ներկայացված է հրավերի պահանջներին անհամապատասխան, ապա հանձնաժողովը մեկ աշխատանքային օրով կասեցնում է նիստը, իսկ հանձնաժողովի քարտուղարը նույն օրը դրա մասին էլեկտրոնային եղանակով տեղեկացնում է մասնակցին՝ առաջարկելով մինչև կասեցման ժամկետի ավարտը շտկել անհամապատասխանությունը:

Կարգի 42-րդ կետի համաձայն՝ եթե սույն կարգի 41-րդ կետով սահմանված ժամկետում մասնակիցը շտկում է արձանագրված անհամապատասխանությունը, ապա նրա հայտը գնահատվում է բավարար: Հակառակ դեպքում հայտը գնահատվում է անբավարար և մերժվում է:

Մրցույթի Հրավերի 8.9-րդ կետի համաձայն՝ եթե հայտերի բացման և գնահատման նիստի ընթացքում իրականացված գնահատման արդյունքում մասնակցի հայտում արձանագրվում են անհամապատասխանություններ՝ հրավերի պահանջների նկատմամբ, ներառյալ երբ հայտում ներառված՝ Հայաստանի Հանրապետության ռեզիդենտ հանդիսացող մասնակցի կողմից հաստատված փաստաթղթերը կամ դրանց մի մասը հաստատված չեն էլեկտրոնային թվային ստորագրությամբ, ապա հանձնաժողովը մեկ աշխատանքային օրով կասեցնում է նիստը, իսկ հանձնաժողովի քարտուղարը նույն օրը դրա մասին համակարգի միջոցով տեղեկացնում է մասնակցին՝ առաջարկելով մինչև կասեցման ժամկետի ավարտը շտկել անհամապատասխանությունը:

Նույն հրավերի 8.10-րդ կետի համաձայն՝ եթե սույն հրավերի 8.9-րդ կետով սահմանված ժամկետում մասնակիցը շտկում է արձանագրված անհամապատասխանությունը, ապա վերջինիս հայտը գնահատվում է բավարար: Հակառակ դեպքում տվյալ մասնակցի հայտը գնահատվում է անբավարար և մերժվում է, ներառյալ եթե մասնակիցը սույն հրավերով սահմանված ժամկետում չի ներկայացնում հայտի ապահովման բնօրինակը, իսկ ընտրված մասնակից է ճանաչվում հաջորդող տեղ զբաղեցրած մասնակիցը:

Վերոգրյալ իրավակարգավորումների լույսի ներքո, Բողոքներ քննող անձը փաստում է, որ մասնակիցը ներկայացնում է հրավերով սահմանված կարգով հայտ, որը ներառում է մասնակցի կողմից ներկայացված դիմում-հայտարարությունը, գնային առաջարկը, հրավերով նախատեսված այլ փաստաթղթեր (տեղեկություններ): Ընդ որում, Կարգի 41-րդ կետը ուղղակիորեն սահմանում է արձանագրված անհամապատասխանությունը շտկելու անթույլատրելիություն հայտում ներառվող միայն գնային առաջարկի համար, այն էլ՝ որոշ

բացառություններով: Սույն կետի իմաստից բխում է, որ մնացած բոլոր դեպքերում հանձնաժողովը մեկ աշխատանքային օրով կասեցնում է նիստը, իսկ հանձնաժողովի քարտուղարը նույն օրը դրա մասին էլեկտրոնային եղանակով տեղեկացնում է մասնակցին՝ առաջարկելով մինչև կասեցման ժամկետի ավարտը շտկել անհամապատասխանությունը:

Հայտերի գնահատումն իրականացվում է հրավերով սահմանված կարգով և հրավերով նախատեսված պայմաններին չհամապատասխանող հայտերը գնահատվում են անբավարար և մերժվում են, ներառյալ եթե մասնակիցը մինչև հայտերի ներկայացման վերջնաժամկետը լրանալուն հաջորդող աշխատանքային օրվա Երևանի ժամանակով 17:00-ն գնահատող հանձնաժողովին չի ներկայացնում հայտի ապահովման բնօրինակը:

Վերոնշյալ իրավական նորմերի և փաստական հանգամանքների հիման վրա Բողոքներ քննող անձն արձանագրում է, որ ՀՀ կրթության, գիտության, մշակույթի և սպորտի նախարարության կողմից Լոռեցի Սաքո քանդակի վերականգնման, տեղափոխման և տարածքի բարեկարգման աշխատանքների տեխնիկական հսկողության ծառայությունների ձեռքբերման նպատակով 26.08.2020թ.-ին հայտարարված «ՀՀԿԳՄՍՆԳՀԾՁԲ-20/165» ծածկագրով գնանշման հարցման ընթացակարգի Հանձնաժողովի 02.09.2020թ.-ի նիստի թիվ 2-րդ արձանագրության 7.2-րդ կետի համաձայն՝ «Ինժեներինգ» ՍՊԸ-ի կողմից ներկայացված փաստաթղթերը չեն համապատասխանում հրավերով սահմանված պահանջներին, մասնավորապես՝ հայտում բացակայում է նախկինում կատարած նմանատիպ պայմանագրի (պայմանագրերի կամ համաձայնագրերի) պատճենները, իսկ այդ պայմանագրի (պայմանագրերի) պատշաճ կատարումը գնահատելու համար՝ տվյալ պայմանագրի կողմերի հաստատված պայմանագրի (պայմանագրերի կամ համաձայնագրերի) սահմանված ժամկետում կատարումը հավաստող ակտերի (հանձման-ընդունման արձանագրություն և այլն) պատճենները կամ տվյալ պայմանագրի կատարումն ընդունած կողմից գրավոր հավաստումը, ինչով պայմանավորված Հանձնաժողովը որոշել է կասեցնել գնահատման գործընթացը և առաջարկել Մասնակցին մեկ աշխատանքային օրվա ընթացքում շտկել արձանագրված անհամապատասխանությունները՝ 03.09.2020թ.-ին armeps.am համակարգի միջոցով Մասնակցի էլեկտրոնային փոստի հասցեին ուղարկելով անհամապատասխանությունների շտկման մասին ծանուցում: Սակայն «Ինժեներինգ» ՍՊԸ-ն սահմանված ժամկետում չի շտկել արձանագրված անհամապատասխանությունները, ինչով պայմանավորված Հանձնաժողովը որոշել է «Ինժեներինգ» ՍՊԸ-ի հայտը գնահատել անբավարար և մերժել՝ հրավերով սահմանված պահանջներին չհամապատասխանելու հիմքով:

Օրենքի 6-րդ հոդվածի 1-ին մասի 6-րդ ենթակետի համաձայն՝ գնումների ընթացակարգերին մասնակցելու իրավունք չունեն այն անձինք՝ որոնք հայտը ներկայացնելու օրվա գրությամբ ներառված են գնումների գործընթացին մասնակցելու իրավունք չունեցող մասնակիցների ցուցակում: Մասնակիցն ընդգրկվում է նշված ցուցակում, եթե՝

ա. խախտել է պայմանագրով նախատեսված կամ գնման գործընթացի շրջանակում ստանձնած պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը,

բ. որպես ընտրված մասնակից հրաժարվել է պայմանագիր կնքելուց,

գ. հայտերը բացելուց հետո հրաժարվել է գնման գործընթացին հետագա մասնակցությունից:

Կարգի 32-րդ կետի 19-րդ ենթակետի համաձայն՝ հրավերով նախատեսվում է նաև, որ եթե մասնակցի՝ հրավերով նախատեսված գնումներին մասնակցելու իրավունք ունենալու մասին հավաստումը որակվում է որպես իրականությանը չհամապատասխանող, կամ մասնակիցը հրավերով սահմանված կարգով և ժամկետներում չի ներկայացնում հրավերով նախատեսված փաստաթղթերը կամ ընտրված մասնակիցը չի ներկայացնում որակավորման ապահովումը, ապա այդ հանգամանքը համարվում է որպես գնման գործընթացի շրջանակում ստանձնված պարտավորության խախտում:

Կարգի 45-րդ կետի համաձայն՝ «Գնումների մասին» ՀՀ օրենքի 6-րդ հոդվածի 1-ին մասի 6-րդ կետով նախատեսված հիմքերն ի հայտ գալու օրվան հաջորդող հինգ աշխատանքային օրվա ընթացքում պատվիրատուն տվյալ մասնակցի տվյալները՝ համապատասխան հիմքերով, գրավոր ուղարկում է լիազորված մարմին, որը դրանք ստանալուն հաջորդող 5 աշխատանքային օրվա ընթացքում նախաձեռնում է տվյալ մասնակցին գնումների գործընթացին մասնակցելու իրավունք չունեցող մասնակիցների ցուցակում ներառելու ընթացակարգ:

Նշված իրավանորմերի վերլուծությունից պետք է փաստել, որ Օրենսդիրը մասնակցին գնումների գործընթացին մասնակցելու իրավունք չունեցող մասնակիցների ցուցակում ներառելու համար նախատեսել է սպառիչ պայմաններ, որոնք են պայմանագրով նախատեսված կամ գնման գործընթացի շրջանակում ստանձնած պարտավորությունների խախտումը, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը, որպես ընտրված մասնակից պայմանագիր կնքելուց հրաժարվելը և հայտերը բացելուց

հետո գնման գործընթացին հետագա մասնակցությունից հրաժարվելը: Միայն սույն դեպքերում է հնարավոր մասնակցին ներառել գնումների գործընթացին մասնակցելու հրավույնք չունեցող մասնակիցների ցուցակում:

Բողոքներ քննող անձը փաստում է նաև, որ մասնակիցը պարտավոր է ներկայացնել հրավերով սահմանված պահանջներին համապատասխանող փաստաթղթեր (այսուհետ՝ Փաստաթղթեր): Եվ եթե Փաստաթղթերում արձանագրվում են անհամապատասխանություններ՝ հրավերի պահանջների նկատմամբ, իսկ մասնակիցը սահմանված ժամկետում չի շտկում արձանագրված անհամապատասխանությունները, ապա այդ հանգամանքը համարվում է որպես գնման գործընթացի շրջանակում ստանձնած պարտավորության խախտում:

Սույն գործի փաստերի համաձայն՝ «Ինժեներինգ» ՍՊԸ-ն թիվ 1 հավելվածով՝ գնման ընթացակարգին մասնակցելու դիմում-հայտարարությամբ, հայտարարել և հավաստել է, որ բավարարում է «ՀՀԿԳՄՍՆԳՀԾՁԲ-20/165» ծածկագրով գնանշման հարցման հրավերով սահմանված մասնակցության իրավունքի պահանջներին և հրավերի պահանջներին համապատասխան ներկայացնում է հայտ՝ կից ներկայացնելով նախկինում կատարված նմանատիպ պայմանագիրը և կնքվելիք պայմանագրի կատարման համար առաջարկվող աշխատակազմի մասին տեղեկանքը՝ համաձայն հրավերի 1-ին մասի 2.4 կետի (Հավելված թիվ 1.1):

Վերոնշյալներով պայմանավորված՝ առաջանում է «Գնումների մասին» ՀՀ օրենքի 6-րդ հոդվածի 1-ին մասի 6-րդ կետի «ա» ենթակետի դրույթների կիրառման անխուսափելիությունը, քանի որ Մասնակիցն իր գործողություններով կամ անգործությամբ, խախտելով գնման գործընթացի շրջանակում ստանձնած պարտավորությունը, հանգեցրել է Պատվիրատուի կողմից գնման գործընթացին տվյալ մասնակցի հետագա մասնակցության դադարեցմանը:

Անդրադառնալով Մասնակցի կողմից դիրքորոշմամբ ներկայացված այն հանգամանքին, որ Պատվիրատուի կողմից www.procurement.am հասցեով գործող ինտերնետային կայքում 03.07.2020թ.-ին հրապարակվել է 2020 թվականի գնումների պլանում փոփոխությունների և/կամ լրացում կատարելու մասին ծանուցումը, սակայն չի պահպանվել ՀՀ կառավարության 2017 թվականի 13 ապրիլի N 390-Ն որոշմամբ հաստատված «Գնումների պլանի ձևը, դրա լրացման, հաստատման և հրապարակման» կարգի 9-րդ կետի պահանջները, այն է՝ գնումների պլանում փոփոխություններ կատարելուց հետո այն չի հրապարակվել ամբողջական տեսքով, Բողոքներ քննող անձը հարկ է համարում փաստել հետևյալը.

Օրենքի 2-րդ հոդվածի 1-ին մասի 23-րդ ենթակետի (օրենքում օգտագործվող հիմնական հասկացությունները) համաձայն՝ գնման գործընթաց՝ գնում կատարելու նպատակով գնումների մասին Հայաստանի Հանրապետության օրենսդրությամբ նախատեսված ընթացակարգերի, իրավունքների և պարտականությունների իրագործմանն ուղղված գործողությունների ամբողջություն, ներառյալ՝ գնումների պլանավորումը, գնման առարկայի բնութագրի հաստատումը, պայմանագրի կատարումը և կառավարումը:

Օրենքի 15-րդ հոդվածի 3-րդ մասի համաձայն՝ գնումների պլանը, ներառյալ՝ փոփոխությունները, հաստատվելուն հաջորդող երկու աշխատանքային օրվա ընթացքում պատվիրատուն հրապարակում է տեղեկագրում, բացառությամբ պետական գաղտնիք պարունակող գնումների պլանի:

Կարգի 4-րդ կետի համաձայն՝ գնման գործընթացը հետևյալ գործընթացների (գործառույթների) ամբողջությունն է՝

- 1) գնումների պլանավորում,
- 2) գնման գործընթացի կազմակերպում (ներառյալ գնման առարկայի բնութագրերի հաստատումը),
- 3) պայմանագրի կնքում,
- 4) պայմանագրի կատարում և կառավարում:

Կարգի 16-րդ կետի համաձայն՝ գնման գործընթաց սկսելու համար գնման առարկան պետք է ներառված լինի գնումների պլանում: Գնման պահանջի ծագման օրը պետական գաղտնիք չպարունակող գնումների դեպքում հաստատված կամ փոփոխված գնումների պլանի հրապարակման օրն է, իսկ պետական գաղտնիք պարունակող գնումների դեպքում՝ գնումների պլանի հաստատման կամ փոփոխման օրն է: Եթե տվյալ տարվա ընթացքում գնումների սկզբնական պլանում չներառված, լրացուցիչ գնումը կատարելու համար նախատեսվում են ֆինանսական միջոցներ, ապա գնումների պլանում կատարվում է լրացում:

Կարգի 17-րդ կետի համաձայն՝ գնման գործընթացի կազմակերպման իրավական հիմքը սահմանված պահանջներին համապատասխան հաստատված, իսկ Գնումների մասին Հայաստանի Հանրապետության օրենսդրությամբ նախատեսված դեպքերում՝ նաև հրապարակված, գնումների պլանի առկայությունն է:

Վերոնշյալ նորմատիվ իրավական ակտերի դրույթների համակարգված վերլուծության արդյունքում, Բողոքներ քննող անձը գալիս է այն եզրահանգման, որ գնման գործընթացը, Օրենքի իմաստով, գնում կատարելու նպատակով գնումների մասին Հայաստանի Հանրապետության օրենսդրությամբ նախատեսված ընթացակարգերի,

իրավունքների և պարտականությունների իրագործմանն ուղղված գործողությունների ամբողջություն է, ներառյալ՝ գնումների պլանավորումը, գնման առարկայի բնութագրի հաստատումը, պայմանագրի կատարումը և կառավարումը: Իսկ արդեն Կարգով ՀՀ կառավարությունը սահմանել է, որ՝ գնման պահանջի ծագման օրը պետական գաղտնիք չպարունակող գնումների դեպքում հաստատված կամ փոփոխված գնումների պլանի հրապարակման օրն է, իսկ պետական գաղտնիք պարունակող գնումների դեպքում՝ գնումների պլանի հաստատման կամ փոփոխման օրն է և գնման գործընթաց սկսելու համար գնման առարկան պետք է ներառված լինի գնումների պլանում, անփոփելիվ, նշել, որ գնման գործընթացի կազմակերպման իրավական հիմքը սահմանված պահանջներին համապատասխան հաստատված, իսկ Գնումների մասին Հայաստանի Հանրապետության օրենսդրությամբ նախատեսված դեպքերում՝ նաև հրապարակված, գնումների պլանի առկայությունն է:

Այսինքն՝ գնման գործընթաց սկսելու համար անհրաժեշտ է որպեսզի գնման առարկան ներառված լինի գնումների պլանում, համապատասխան ստորաբաժանման կողմից հաստատվի և գնումների համակարգողին ներկայացվի գնման հայտ, ձևավորվի հանձնաժողով, որը հաստատում է հրավերը և հրապարակում պաշտոնական տեղեկագրում, որի դեպքում է գնման գործընթացը համարվում սկսված:

Հակառակ դեպքում ՀՀ կառավարության 04.05.2017թ.-ի թիվ 526-Ն որոշմամբ հաստատված «Գնումների գործընթացի կազմակերպման» կարգի դրույթները չեն ծառայի իրենց նպատակին, այլակերպ մեկնաբանման դեպքում կհանգեցնեն որևէ ողջամիտ իրավական փաստարկով չհիմնավորվող մեկնաբանության՝ հաշվի չառնելով այն ընդունող մարմնի նպատակը, նորմում պարունակվող բառերի և արտահայտությունների տառացի նշանակությունը, «Գնումների մասին» ՀՀ օրենքի՝ **օրենքի նպատակին, սկզբունքներին և գործողության ոլորտին** նվիրված 3-րդ հոդվածի կարգավորման ընդհանուր համատեքստը, ինչի արդյունքում կայացված ցանկացած որոշմամբ կխախտվեն գնումների գործընթացի տնտեսող, արդյունավետ և օգտավետ իրականացման սկզբունքներն ու գնումների մասին ՀՀ օրենսդրության նպատակը:

ՀՀ կառավարության 2017 թվականի 13 ապրիլի N 390-Ն որոշմամբ հաստատված «Գնումների պլանի ձևը, դրա լրացման, հաստատման և հրապարակման» կարգի 2-րդ կետի.

1-ին ենթակետի համաձայն՝ 1-ին և 2-րդ սյունակներում լրացվում են գնումների միասնական անվանացանկով սահմանված (այսուհետ՝ անվանացանկ) միջանցիկ ծածկագիրը և անվանումը՝ անվանացանկի 4-րդ մակարդակին համապատասխան,

2-րդ ենթակետի համաձայն՝ 3-րդ սյունակում լրացվում է գնման ձևը: Ընդ որում, գնման ձևը լրացնելիս հաշվի է առնվում, որ գնման գինն անվանացանկի 2-րդ մակարդակում նշված ապրանքների, աշխատանքների և ծառայությունների խմբերի հանրագումարն է,

3-րդ ենթակետի համաձայն՝ 4-րդ սյունակում լրացվում է ... «դրամ» բառը, եթե սույն ենթակետի «ա»-«ժ» ենթակետերում նշված չափման միավորներից որևէ մեկը կիրառելի չէ,

4-րդ ենթակետի համաձայն՝ 5-րդ սյունակում նշվում է գնման ենթակա ապրանքների, աշխատանքների և ծառայությունների մեկ միավորի գինը,

5-րդ ենթակետի համաձայն՝ 6-րդ սյունակում նշվում է գնման ենթակա ապրանքի, աշխատանքի կամ ծառայության քանակը: Ընդ որում, եթե տվյալ տողի «Չափման միավորը» սյունակում նշված է «դրամ», ապա այդ տողի «Քանակը» սյունակում նշվում է «1» թիվը,

6-րդ ենթակետի համաձայն՝ 7-րդ սյունակում նշվում է գնման ենթակա ապրանքի, աշխատանքի կամ ծառայության ընդհանուր գումարը՝ հազ. դրամով: Ընդ որում, եթե տվյալ տողի «Չափման միավորը» սյունակում նշված է «դրամ», ապա այդ տողի «Միավորի գինը» սյունակում նշված գումարը հավասար է 7-րդ սյունակում նշված գումարը բաժանած հազարի: Հակառակ դեպքում 7-րդ սյունակում նշվում է «Միավորի գինը» և «Քանակը» սյունակների արտադրյալը բաժանած հազարի:

Նույն կարգի 3-րդ և 9-րդ կետերի համաձայն՝ գնումների պլանում փոփոխությունները կատարվում են սույն կարգի 2-րդ կետով սահմանված պայմաններով լրացումներ կատարվելու ձևով: Գնումների պլանը, ներառյալ դրանում կատարված փոփոխությունները և լրացումները, հաստատվելուն հաջորդող երկու աշխատանքային օրվա ընթացքում պատվիրատուն սահմանված կարգով հրապարակում է տեղեկագրում: Ընդ որում, գնումների պլանում կատարված փոփոխությունները և լրացումները տեղեկագրում հրապարակվում են գնումների պլանի ամբողջական տեսքով:

Սույն գործում առկա փաստերի համաձայն՝ ՀՀ կրթության, գիտության, մշակույթի և սպորտի նախարարության կողմից Լոռեցի Սաքո քանդակի վերականգնման, տեղափոխման և տարածքի բարեկարգման աշխատանքների տեխնիկական հսկողության ծառայությունների ձեռքբերման նպատակով 26.08.2020թ.-ին հայտարարված «ՀՀԿԳՄՍՆԳՀԾՁԲ-20/165» ծածկագրով գնանշման հարցման ընթացակարգի հրավերի թիվ 1 հավելվածով սահմանված տեխնիկական բնութագիր-գնման ժամանակացույցի

համաձայն՝ վերոնշյալ աշխատանքի կատարման համար որպես գնումների պլանով նախատեսված միջանցիկ ծածկագիր՝ ԳՄԱ դասակարգման (CPV) կոդ նշվել է 71351540/79:

www.armeps.am/PPCM/ կայքում առկա ՀՀ կրթության, գիտության, մշակույթի և սպորտի նախարարության 02.07.2020թ.-ին կատարված 2020 թվականի գնումների պլանի փոփոխության համաձայն՝ գնման առարկայի համար որպես ԳՄԱ դասակարգման (CPV) կոդ նշվել է 71351540/79, քանակը՝ 1, գնման ընթացակարգի տեսակ՝ ԳՀ, գումարը՝ 240 803 ՀՀ դրամ:

www.gnumner.am կայքում 03.07.2020թ.-ի հրապարակված գնումների պլանի համաձայն՝ ՀՀ կրթության, գիտության, մշակույթի և սպորտի նախարարության կողմից հրապարակված 2020 թվականի գնումների պլանում փոփոխություններ և/կամ լրացումների կատարելու մասին ծանուցման համաձայն՝ որպես պատվիրատու նշված է ՀՀ կրթության, գիտության, մշակույթի և սպորտի նախարարությունը, ծրագրի անվանումը՝ «1075 Մշակութային ժառանգության ծրագիր» և «21003 Քանդակների պատրաստման և տեղադրման աշխատանքներ»՝ նշելով նաև ծրագրի դասման բյուջետային ծախսերի գործառական դասակարգման բաժինը, խումբը և դասը:

Նույն ծանուցման 1-ին տողով որպես ԳՄԱ դասակարգման (CPV) կոդ նշվել է 71351540/79, քանակը՝ 1, գնման ընթացակարգի տեսակ՝ ԳՀ, գումարը՝ 240 803 ՀՀ դրամ:

Վերոհիշյալ իրավական նորմերի և փաստական հանգամանքների հիման վրա, Բողոքներ քննող անձն արձանագրում է, որ Պատվիրատուի կողմից Մրցույթը կազմակերպվել է իրավական հիմքի առկայության պայմաններում: Սույն դեպքում, Կարգի 16-րդ կետի իմաստով, գնումների պլանը հաստատված և հրապարակված է, գնման առարկան ներառված է գնումների պլանում: Ինչպես նաև www.armeps.am/PPCM/ կայքում առկա ՀՀ կրթության, գիտության, մշակույթի և սպորտի նախարարության 03.07.2020թ.-ին կատարված 2020 թվականի գնումների պլանի փոփոխության համաձայն՝ գնման առաջկայի համար որպես ԳՄԱ դասակարգման (CPV) կոդ նշվել է 71351540/79, քանակը՝ 1, գնման ընթացակարգի տեսակ՝ ԳՀ, գումարը՝ 240 803 ՀՀ դրամ:

Բողոքներ քննող անձը հարկ է համարում փաստել նաև, որ թեև ՀՀ կրթության, գիտության, մշակույթի և սպորտի նախարարության կողմից Լոռեցի Սաքո քանդակի վերականգնման, տեղափոխման և տարածքի բարեկարգման աշխատանքների տեխնիկական հսկողության ծառայությունների ձեռքբերման նպատակով 26.08.2020թ.-ին հայտարարված «ՀՀԿԳՄՄՆԳՀԾՁԲ-20/165» ծածկագրով գնանշման հարցման ընթացակարգի գնման առարկան ներառվել է գնումների պլանի փոփոխություններով, և այն հրապարակվել է ՀՀ կառավարության 2017 թվականի 13 ապրիլի N 390-Ն որոշմամբ

հաստատված «Գնումների պլանի ձևը, դրա լրացման, հաստատման և հրապարակման» կարգի 9-րդ կետի դրույթների խախտմամբ, այն է՝ գնումների պլանում կատարված փոփոխությունները և լրացումները տեղեկագրում հրապարակված չեն գնումների պլանի ամբողջական տեսքով, սակայն այդ դրույթների խախտումը չի կարող հանգեցնել գնումների պլանի ոչ իրավաչափ, ուստի և գնման գործընթացի առանց իրավական հիմքի կազմակերպված լինելու հանգամանքին: Քանի որ նշված որոշմամբ սահմանված էական նշանակություն ունեցող՝ գնումների պլանի ձևին և բովանդակությանը վերագրվող դրույթները պահպանված են:

«Գնումների մասին» ՀՀ օրենքի 6-րդ հոդվածի 1-ին մասի 6-րդ կետի «ա» ենթակետի համաձայն՝ ... մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, եթե խախտել է պայմանագրով նախատեսված կամ գնման գործընթացի շրջանակում ստանձնած պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը:

Այսպիսով, վերոհիշյալ փաստական հանգամանքների և իրավական նորմերի լույսի ներքո, դրանց համակարգված վերլուծության արդյունքում Բողոքներ քննող անձը հանգում է այն եզրակացության, որ «Ինժեներինգ» ՍՊԸ-ն Պատվիրատուի կողմից սահմանված ժամանակահատվածում, չչտկելով արձանագրված անհամապատասխանությունները, խախտել է գնման գործընթացի շրջանակում ստանձնած պարտավորությունը, որն էլ հանգեցրել է գնման գործընթացին տվյալ մասնակցի հետագա մասնակցության դադարեցմանը: Ուստի տվյալ պայմաններում Մասնակիցը պետք է ընդգրկվի գնումների գործընթացին մասնակցելու իրավունք չունեցող մասնակիցների ցուցակում՝ 2 (երկու) տարի ժամկետով:

Ելնելով վերոգրյալից և ղեկավարվելով «Գնումների մասին» ՀՀ օրենքի 50-րդ հոդվածի 7-րդ մասով՝ ՀՀ գնումների հետ կապված բողոքներ քննող անձը՝

Ո Ր Ո Շ Ե Ց

1. ՀՀ ֆինանսների նախարարության կողմից 16.09.2020թ.-ի թիվ 26/26-1/14000-2020 գրությամբ «Ինժեներինգ» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնված թիվ ԱՅ-ԼՕ-2020/211 ծածկագրով ընթացակարգը բավարարել:

2. «Ինժեներինգ» ՍՊԸ-ին ընդգրկել գնումների գործընթացին մասնակցելու իրավունք չունեցող մասնակիցների ցուցակում 2 (երկու) տարի ժամկետով:

ՀՀ գնումների հետ կապված բողոքներ քննող անձի ընդունած որոշումն ուժի մեջ է մտնում այն տեղեկագրում հրապարակելուն հաջորդող օրը:

ՀՀ գնումների հետ կապված բողոքներ քննող անձի ընդունած որոշումն իրավապարտադիր է, որը կարող է փոփոխվել կամ վերացվել, այդ թվում՝ մասնակի, միայն դատարանի կողմից:

~~ՀՀ ԳՆՈՒՄՆԵՐԻ ՀԵՏ ԿԱՊՎԱԾ
ԲՈՂՈՔՆԵՐ ՔՆՆՈՂ ԱՆՁ~~

ԼԵՎՈՆ ՕՀԱՆՅԱՆ

